



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Natales Sanctorvm Belgii, & eorundem Chronica
Recapitvatio**

Molanus, Johannes

Dvaci, 1616

Hannoniae primitiae. Cap. XII.

urn:nbn:de:hbz:466:1-9477

C H R O N I C A

Tuolti Domlinus, religiosissimus presbyter: & sanctus Trudo Hasbanus, in Brugensi agro sibi gentilitio monasterium construebat, vbi octoginta monachos aluit. Clarebat etiam Amandus episcopus apud Flandros, Gallicanos potissimum, praeter dictos Gandenses: hoc est, in Pabulensi territorio, & in Austrouandia. Ad Elnonem, celeberrimum construxit monasterium, quod S. Amandi dicitur, vbi abbatem præfecit sanctum Andream. Martianis discipulum habuit sanctum Ionatum, primum abbatem: & sanctissimam Rictrudem, viduam ducis Adalbaldi, quæ viro orbata à beato Amando consecratum velum accepit, & cum prolibus, Clotsende, sancta Eusebia, & Adalsende, Marianas monasterium delegit, rege quidem indignante, sed pacem inter eum & ipsam concilianit beatus Amandus In Broylo discipulum habuit sanctum Maurontum diaconum & abbatem, filium sanctæ Rictrudis: & in Hammatico, sanctam Gertrudem viduam, primam abbatissam. In Truncinio Basinus & Aldegundis claruerunt.

Hannoniae primitiae.

C A P. XII.

IN Hannonia clarus erat per ea tempora sanctus Autbertus, episcopus Cameracensis, successor S. Ableberti, per quem in superni amoris fetuore adeò accensus est S. Vincentius, Comes Hannoniae, quod deposito militiæ cingulo se totum astrinxerit ad cultum diuinum: & duo monasteria construxerit vrum in Altomonte, in quo habitum monachicum assumpsit: & alterum Sonnegijs, in quo obdormiuit. Fuerat annis aliquot

quot Hyberniæ gubernator, qua etiam occasione insignes aliquot fidei prædicatores, iam ante memorati, ex Hybernia ad nos libentius venerunt. E quibus apud Hannonios corporaliter quiescunt, Sancti, Etto frater S. Adalgi-
fi & Wasnulphus. Clarebat etiam sanctus Landelinus Cameracensis, ex sacro fonte filia ster sancti Autberti, qui diuturna excoctus pœnitentia, (eum enim errabundum in gremium Ecclœsiæ reduxit sanctus Autbertus) quatuor insignia fundauit monasteria, Lobium, & Alnas, in territorio Leodiensi: Item Waslariam & Crispinum, in quo postremo monasterio resedit, eundemque locum, cum vicinis, vomere diuinæ prædicationis excoluit, cum discipulis, sancto Domitiano, & sancto Adelino. Inter Crispinum & Montes, potissimum clarebat sanctus Gislenus, cum discipulis suis sancto Lamberto, & sancto Berlerio, qui non paucos in ouile dominicum introduxit, & eo loci Cellam fundauit in honorem Apostolorum: quæ nunc est primaria abbatia Hannoniæ, dicta sancti Gisleni. Montibus cellam sive monasterium construebat sancta Waldestrudis, in quo vixit, seruata charitate, separata à suo marito Sed hodie est nobilium Canonicarum collegium. Clarebant etiam sanctitate parentes eius, Walbertus & Bertilia: item soror sancta Aldegundis, quæ Malbodium monasterium fundauit: & proles, sanctus Landricus, sancta Aldetrudis, sancta Madelberta, quæ duæ in regimine Malbodiensis monasterij, successerunt suæ materteræ, & Dentelinus puer in albis mortuus. Claruit etiam sanctus Humber tus episcopus qui Maricolense cœnobium fundauit,

CHRONICA

davit, & alij quidam, quos in subsequentibus nominabimus: ubi etiam nonnulli ex dictis nominari possent ob longiorem vitam.

De tyrannide Ebroini Maioris domus.

C A P V T X I I I .

CLotario mortuo anno sexcentesimo sexagesimo sexto, Theodoricus frater in regnum sublimatur, ab Ebroino maiore domus, sed propter Ebroini insolentiam à Francis repudiatur, & frater eius Childericus, qui in Austrasia regnabat, ed regnandum euocatur: sed Theodoricens iterum restitutus est, anno sexcentesimo septuagesimo octavo.

Claruit sanctus Vindicianus episcopus Cameracensis, siue Atrebatenensis, qui numerosam multitudinem ad Dominum conuertit. Ecclesiam Dei genitricis Atrebatensem, ex rebus proprijs, vna etiam cum rege Theodorico, augmentauit. In villa *Hunolcure*, cum pretiosissimo martyre Lamberto, monasterium consecrauit, cui præfuit sancta Valeria. Sancta autem Maxellendis virgo à proco in agro Cameracensi martyrizatur, anno sexcentesimo septuagesimo.

Sanctum Lambertum clarissimum episcopum Traiectensem ad Mosam, episcopatu priuat Ebroinus. In exilium mittit sanctum Amatum episcopum: quem exulem primò fouebat sanctus Furseus, deinde S. Maurontus. Crudeli martyrio affecit in Artesia sanctum Leodegarium episcopum, & fratrem eius sanctum Gerinum.

Morino-